



《續修四庫全書》編纂委員會編

續修四庫全書

上海古籍出版社

七三六・史部・地理類

殊域周咨錄二十四卷（卷十三至卷二十四）〔明〕嚴從簡撰

咸賓錄八卷〔明〕羅曰褱撰

西遊錄注一卷〔元〕耶律楚材撰 盛如梓刪略〔清〕李文田注

長春真人游記二卷〔元〕李志常撰

古今游名山記十七卷總錄三卷〔明〕何鏞輯

二三九

三九一

四〇一

四三一

21132/6

殊域周咨錄二

〔明〕嚴從簡撰

據北京圖書館藏明萬曆刻本影印原書版框高一
九一毫米寬二七四毫米

殊域周咨錄卷之十三

行人司行人刑科右給事中嘉禾嚴從簡輯

揚州府學訓導彭天翔

江都縣學訓導王三汲全校正

西戎

土魯番

土魯番在今火州城西百里舊隸其部唐交河縣池也

本朝永樂中親征北虜常過其近境見水齧沙出有

卷之十三

碑曰唐之交河郡

上諭金幼孜等曰此在今為哈刺火州因兩河相交故名耳

按

成祖出塞俱從宣府之路未嘗至其地北征錄言至其近境然相去亦尚遠也

宣德五年萬戶賽因帖木兒遣使貢馬及璞玉以後常貢但西域諸國惟此番最強盛每侵凌他邦成化九年其酋速壇阿力後止稱阿力二字作亂入哈密

將其國王母并金印虜去奪占其城

命都督李文通政劉文往撫處調集番兵住劄苦峪不敢前進迨徹師回喪失頗衆自此其酋漸輕中國之兵矣阿力竟留王母金印益侵我城郭諸夷十八年阿力病故弟速壇阿黑麻立後止稱阿黑麻甘肅守臣乘間奏立王母之甥罕慎為都督遣使送入哈密 弘治元年阿黑麻稱罕慎非脫脫族何得王哈密哈密我當王欲殺罕慎畏未敢發乃為好語詒罕慎曰吾為爾聯姻爾為王益安無外

十三卷

侮罕慎喜許之阿黑麻至哈密誘罕慎頂經結盟遂殺罕慎亦未敢顯言據哈密即遣使入貢言罕慎病死國亂乞遣大通事和番立我為王居哈密領西域職貢兵部尚書馬文升言外夷北虜最強屢入貢乞通使我不聽阿黑麻小夷且與哈密各有分地不可輒通使亦不得王哈密彼若入貢我亦不拒請勅阿黑麻諭令送王母及金印還哈密四年遣哈密頭目馬亦虎仙齎勅諭阿黑麻阿黑麻以金印城池來歸遣使朝貢厚賞之文升言

哈密有回回畏兀兒哈刺灰三種共居一城種類不賁不相下北山又有小列禿野也克力數種強虜時擾哈密必得元遺孽嗣封理國事庶可懾服諸番乃立安定王族孫陝巴爲忠順王 五年阿黑麻入哈密殺虜陝巴及金印去內閣丘濬謂文升曰哈密事重須公一行文升曰方隅有事臣子豈可辭勞但西域賈胡慣窺利不善騎射古未有西域能爲中國大患者徐當靜之濬曰有識言不可不慮文升請行諸大臣不可請勅兵部侍郎張

十三卷

三

海都督侯謙行視經畧時阿黑麻貢使罵亦滿速兒等在京師命海至河西令夷使二三人與邊上通事致勅諭阿黑麻歸陝巴金印諸夷使爭欲去海不可乃遣哈密夷人以勅往阿黑麻竟留不報海不得已修嘉峪關捕哈密奸回通阿黑麻者三十餘人戍廣西請絕西域貢七年春海讜不奉命輒還朝

上怒逮下獄降海山西叅政謙奪俸閒住文升言土魯番恃其強悍哈密奸回又反復欺負中國不懲

創彼益輕中國請安置罵亦滿速兒等於闕廣開嘉峪關絕西域貢令諸夷歸怨阿黑麻當是時西域諸夷皆言成化間我入貢

皇帝先遣中貴人迓我河南至京宴賜甚多今

皇帝不撫我我泛海萬里貢獅子謂我開海道却不受即從河西貢者宴賞亦薄天朝棄絕我相率從阿黑麻且拒命中國能奈我何哈密奸回又附阿黑麻阿黑麻遂復入哈密自稱可汗大掠罕東諸夷謀言糾夷數萬用雲梯攻肅州且躁甘州報至

十三卷

四

文升曰彼虛聲挾我也土魯番至哈密十數程中經黑風川哈密至苦峪又數程皆無水草貢使往返皆馱水行使我謹烽火明斥堠堽兵以俟彼至肅州我以逸待勞縱兵出奇一擊必使彼隻馬不返已而阿黑麻西去令頭目牙蘭以二百餘人據哈密文升曰非用陳湯故事此虜終不畏文升召肅州撫夷指揮楊翥至京撫其背曰汝諸夷情知西域道路 主上今欲擒斬牙蘭汝計安出翥曰此賊黠非襲之不可罕東至哈密有捷徑可進兵

兵可不十日至文升曰余欲選卒東兵三千爲前鋒我兵三千殿後各持數日熟食兼程襲之何如霸曰善八年令河西巡撫許進調兵食遣副總兵彭清統精兵三千由南山馳至罕東即調罕東諸番兵乘夜倍道襲牙蘭是冬進及總兵劉寧率兵至肅州久駐關外候罕東兵不至乃出大路乏水草行不能速牙蘭詎知遁去我兵入哈密斬首六十得陝巴妻女獲牛羊三千哈密脇從者八百餘人皆不殺携以歸住西徼上師還糧乏士馬亦

十三卷

五

多物故然西域自是知畏中國文升言兵雖抵哈密然未獲牙蘭首功亦少進寧及太監陸闇不遵節制徒取空城無益邊事獨軍士遠征勞苦宜陞賞牙蘭即牙木蘭也

上念邊臣出塞有功加閹歲祿二十石寧陞左都督加俸百石進左副都御史清都督僉事九年阿黑麻又襲破哈密令撤他兒及奄克字刺住刺木城奄克字刺密結瓦刺小列秃襲斬撤他兒奄克字刺還守哈密阿黑麻遣人圍哈密哈密人舉火

小列秃見之來援退走守臣奏乞令羈留貢使往諭阿黑麻納款文升曰阿黑麻未見遣使上款書不許是秋進陝西巡撫十年秋阿黑麻令人送陝巴還哈密其兄馬黑上書言西域諸國不得貢死阿黑麻今悔過乞許與黑婁諸國入貢及還寫亦滿速兒等文升言此虜挾詐俟陝巴金印至甘州取罵亦滿速兒等於閩廣是冬命總制王越經畧土魯番哈密十一年越出河西取陝巴至甘州令哈密三種都督回回罵亦虎仙畏兀兒奄

十五卷

六

克索刺哈刺灰拜迭力迷失佐陝巴復封爲忠順王取罵亦滿速兒等發歸其國時哈密三種人久苦土魯番不願還文升請許半留肅州往來自便十二年春陝巴至肅州畏番虜不肯出關守臣遣叅將率兵護行又賞赤斤蒙古諸番令逐程防護至哈密是夏罵亦虎仙致賞賜於土魯番諸夷使人京朝貢十三年阿黑麻及黑婁諸國皆令人入貢十七年哈密奸回阿字刺有怨於陝巴乃稱阿黑麻次子真帖木兒爲罕慎外甥當襲罕

慎王爵乃往迎之頭目者力克哈陝巴棄城走沙
州直帖木兒阿黑麻原擄罕慎年十三不肯來哈
密哈密人曰陝巴走哈密城空恐為野也克力達
子所據真帖木兒始至刺木城其兄滿速兒乞守
臣令人來守哈密真帖木兒自刺木城入哈密守
臣令官舍董傑及奄克亭刺往哈密撫夷衆諭迎
陝巴還阿亭刺不聽必欲立直帖木兒為王奄克
亭刺與傑等擒殺阿亭刺等六人餘黨畏服守臣
令都指揮朱瑄率兵送陝巴入哈密撫送真帖木

十三卷

七

兒還土魯番時阿黑麻已死其子速壇滿速兒後
稱番新立諸兄弟相讐殺真帖木兒懼不敢歸乃
曰奄克亭刺我外祖也願依之暫住哈密朱瑄恐
陝巴懷疑生變擄真帖木兒羈住甘州 正德元
年陝巴死其子拜牙即嗣封幼弱守臣恐真帖木
兒復來哈密留之甘州不遣番酋所親信牙木蘭
娶火辛哈即哈密人也後止稱哈即女為妻與焉亦虎仙哈密
人也後止之妻兄弟也牙木蘭又以妹嫁哈即姪
亦思馬因而虎仙亦以女嫁火者馬黑木後止稱馬黑木

互結姻戚哈即弟阿刺思罕兒後止稱罕兒等與虎仙
及伊子壻俱因進貢各在甘肅關廂置產又往往
來以貢為名騷擾驛迎生事害人 三年番酋速兒
速兒與忠順王即拜牙乞討真帖木兒兵部尚書
劉宇曰是謂賄其所親愛不許 五年直帖木兒
走出甘州城追而獲之 六年守臣請歸真帖木
兒下兵部會議請勅宴真帖木兒及番酋與忠順
王并其頭目 七年冬詔差哈密三都督奄克亭
刺罵亦虎仙滿刺哈三送直帖木兒回完聚真帖

十三卷

八

木兒父住甘州深知風土言其城南黑水可灌及
有夷使傳說甘肅荒旱饑窘人死亡且半城堡空
虛番酋乃謀侵犯中國虎仙等遂為留用忠順王
似後稱王又被奸回誘引與番酋結好遂往投順
土魯番番酋乃令他只丁入哈密取金印他只丁
又令哈密火者馬黑木哈密都等至甘州索賞且
言忠順王棄國從番乞即差人守哈密巡撫趙鑑
謬謂番酋忠義令他只丁等代中國守城勤勞差
撫夷官送番酋金幣二百明年正月撫夷官纔至

哈密番酋已率衆亦至分據刺木等城日夜聚謀
侵甘肅又索段子萬疋贖城印且言如不與即
領兵把旗插在甘州門上總制鄧璋乃請官經畧
命兵部尚書彭澤奉

勅往總督軍務澤請

勅二道一候有番使之便齎諭番酋還哈密城印一

諭奄克字刺哈密都督也因其王投番乃逃往甘州後止稱奄克回國與虎

仙等守城彭澤調延寧等處軍駐甘州十年番酋

遣他只丁牙木蘭同虎仙馬力奶翁馬里木等至

十三卷

九

肅州近邊搶掠赤斤等處人畜千計聞彭澤軍在
不敢深入假罵番文稱被赤斤搶了貢物與他報
讐不敢侵犯甘肅只討此賞賜回去彭澤不察其
詐將前諭番勅書不伺番使齎去即措段絹褐布
共三百遣馬驥與通事火信撫夷百戶馬昇并馬
馴捧前勅二道同馬黑木虎仙等到哈密邀他只
丁同往土魯番他只丁嫌賞薄先將金印與虎仙
谷三等及將所掠去赤斤銅印一顆付馬馴等議
遣驥并火信持回添取賞賜他只丁方同馬馴等

至土魯番將勅書原齎段絹等班賜其酋彭澤遂
奏稱甘肅兵粮頗集道路開通土魯番雖欲侵擾
甘肅決不可得今又差官往諭歸還城印地方安
靜乞要放歸日里蒙旨未允火信等回甘州納撫
還赤斤銅印并報添取賞賜彭澤又脩羅段褐布
共一千九百銀壺銀盃銀臺盞各一副令火信等
復持往諭澤遂奏遠夷悔過獻還城印詔取回京
火信又持添賜物件往彼番酋復嫌少虎仙自許
其酋段一千匹他只丁五百方允具本復遣馬黑

卷之三

十

木隨赴京回奏將金印與虎仙城池暫令哈三守
掌後哈密使人俄六思等送至番文稱番酋索要
虎仙前許段疋有哈密大小頭目共犍段一百疋
馬一百疋牛一百隻羊三百隻交與他只丁總督
都御史李昆議稱本番乘機射利納款希恩宜量
俯就番酋又遣虎都寫亦後止稱馬亦他只丁亦差伊
弟撒者兒等前來送印并押虎仙取段疋同馬黑
木等及各國夷使將帶方物馬疋進貢謝恩虎仙
哈三亦差伊衛夷人馬黑麻等各帶方物馬疋進

貢駿送赴京李昆與鎮守太監許宣總兵徐謙因忠順王仍被拘未回訪知寫亦係番酋親信頭目撒者兒係他只丁親弟乃拘留爲質仍移檄番酋稱寫亦等差往陝西催債先年貢使回日發歸仍賞織金綵段洗白校布共三百件令其送忠順王還國正德十一年虎仙續報金印已歸城池未與番酋索要段子兵部議謂彭澤李昆皆秦城印已歸今則謂止歸金印他只丁尚在哈密索段幣恐虎仙與他只丁彼此隱瞞要求重利致生他虞請

卷之十三

十一

行鎮巡等官從長議處既不可嚴峻拒絕激變夷情亦不可示弱輕許開啓弊端其番酋果來效順進貢到邊照依舊例放入加意撫待詔從之李昆許宣徐謙乃會奏請勅二道曉諭番酋及他只丁仍各量備織金綵段絹疋齋去撫諭令忠順王還國番酋以虎仙失信并拘留夷使爲詞遣他只丁牙木蘭復占哈密兵備陳九疇因番酋侵犯將前勅書一道停留請止操練軍馬相機剿殺許宣史鏞李昆從其議牙木蘭先令回子倒刺火者往探

被獲又遣夷人斬巴思俄六思等帶馬駝牛羊假以貨賣爲名將番文往關內與思罕兒探信既入關陳九疇疑斬巴思有詐搜獲原書譯出其情內多隱語慮恐通謀生變當捕思罕兒同斬巴思等下獄責令通事毛見毛進呂成防守見進俱素與斬巴思情熟乃約虎仙部下纏頭漢間高彥名同宿商議打奪斬巴思等出城令高彥名備辦酥油羊肉二皮袋毛見毛進又將盔甲弓箭各二付寄在張子義家俟賊到穿用番酋與他只丁遂舉兵

卷之十三

十二

至鉢和寺史鏞等差甘州衛夜不收顧十保往肅州探息叅將蔣存禮與陳九疇未知賊兵多寡恐糧饋乏甘州軍至不能供給乃請甘州軍馬且不必動史鏞輕聽不先發兵應援番賊到嘉峪關經平川墩陳九疇蔣存禮與遊擊將軍芮寧議留遊兵都指揮黃榮守城約於明日已時出兵芮寧先於那時統軍從南門往西約行十里地名沙予壩遇賊騎一千陸續添至三千芮寧三次遣夜不收杜阿丁等馳報到城蔣存禮延至巳時方與指揮

董傑同奄克從北門出至高橋見遇賊對敵開陳
九疇聞賊勢衆大又恐城內寄住夷人變亂將各
夷男子隔在關廟婦女收入城內防守至申時賊
將芮寧射死及殺指揮楊松等時都御史李昆往
西寧撫番未回九疇見官軍喪敗慮恐肅州寄住
赤斤畏兀兒等處夷人歎多乘機作亂與蔣存禮
議將獄中番使斬巴思俄六思并高彥名毛見走
進呂成俱赴街市焚香告天杖死仍拘各夷奄克
也先哥等諭令堅守臣節母生異謀陳九疇復將

卷之三

十三

斬巴思等帶來牛羊變賣價銀易買布疋存卹陣
亡官軍李昆到莊浪岔口驛得報兼程前進至鎮
會同許先議恐賊犯甘州拘收人畜增置戰具番
賊攻開亂骨堆西店子堡殺死男婦王祥等史鏞
鄭廉各領兵進到肅州賊又攻開中截半坡二堡
殺死千百戶傳成陳九疇會同史鏞鄭廉并蔣存
禮議有哈密北山瓦剌達子係奄克姻親世與土
魯番有讎令其往誘使搶殺土魯番城可以致彼
掣回選遣哈刺灰火人漆哥兒兒的等往瓦剌上

稱添陳九疇欲量給賞無措乃於虎仙名下勸罰

段子二百七十疋絹一百七十二疋銀一百六十
兩校布一百三十七疋馬五疋羊一百隻失拜烟
谷亦哈密頭目也名下勸罰段子五十一疋絹一十疋銀
六十四兩馬一疋羊一百七十隻給賞番漢官兵
及與添哥齊賞瓦剌及令奄克自寫番書諭彼頭
目也力滿可等舉衆搶殺番地又給與操馬二十
二匹騎坐前去賊又攻開大莊堡殺死千戶王標
時有赤斤番人且宗爾加等報稱土魯番留下老

卷之三

十四

營在辰州駐劄陳九疇史鏞議令千戶張英管領
赤斤哈刺灰番夷也先哥等五百餘人前往撲殺
賊從迤南山後進至甘州李昆許宣會遣都指揮
楊時等拽載兵車鎗砲截殺賊見官軍勢衆引去
李昆等亦恐甘州賊有姦夷內應將虎仙撒者兒
寫亦及各家屬并各起夷人四十四名俱捕下獄
番酋遣朶撒哈及把都兒乞和且稱俱是虎仙弄
禍史鏞等訪得朶撒哈乃番酋親近頭目拘留之
將把都兒放回令其傳諭務將搶去軍馬器械人

畜盡數送來方纔定奪也先哥等人馬撲到辰州將番酋留兵營帳攻斬首級二十一顆失拜烟荅病死賊起營西去史鏞督令鄭廉將存禮追至境外沙溝各斬賊首級正德十二年正月掣兵進城議將番兵奪獲頭畜仍給番兵充賞時添哥等亦至北山瓦剌虜營將銀牌段布賜賞其頭目也力滿可并把腮等大喜聚衆往番攻奪其三城番酋回至王子莊得報痛哭而歸且怨恨牙木蘭失事也添哥還報亦獲回賊及達子首級許宣史鏞李

卷之十三

十五

昆奏捷

上命給事中黃臣會同巡按趙春行委陝西叅議施訓副使高顯僉事董琦勘問將虎仙問擬謀叛具奏虎仙訴行肅州兵備再審奄克恐其脫放乃告虎仙及其丈人哈耶搆引土魯番壞事本不曾正法恐貽後患時番酋行賂中朝嬖人錢寧謀反其獄且欲誣殺九疇以洩其忿乃令失拜烟荅之子米兒馬黑麻直入東長安門捏奏伊父出城殺賊頭上中箭走回被陳九疇責打身死詔提解虎仙

等到京會審正德十三年黃臣等奏勘過甘肅鎮巡官拘留夷使朵撒恰及虎仙等招由兵部尚書王瓊奏彭澤故違勅旨擅備賞物輕出講和擅增段絹又不候差去人回處置停當妄奏西夷就降事已寧息致蒙取回陳九疇惟知講和之爲非不思中變之爲害擅議拘執夷使因而激變疑有姦夷交通多無指實李昆既聽彭澤之講和而奏討勅賞又因九疇之辨論而停留勅書持疑二端釀成大患

卷之十三

十六

上詔彭澤先革職爲民李昆陳九疇及史鏞將存禮等損折官軍各提解到京問理刑部會同三法司將蔣存禮等并虎仙等譯審虎仙翻異原情改擬奏事不實律參看得蔣存禮防邊不固致寇內侵告急不援擁兵自保史鏞輻略罔著守備素疎敵至而策應已遲寇去而追擒不力以致官軍殺死數多人畜驅掠殆盡許宣李昆當重鎮而經略不密總諸軍而督調欠嚴拘留夷使停止勅書處置乖方重貽邊患陳九疇濟軍需而科罰財物徇也

見而議留勅書拘囚貴官因而致死執戕姦虜事涉擅專但史鏞到任未及三月倅過強虜侵犯計程往返千里亟難整兵應援蔣存禮部下之官軍八百城外之夷虜數千彼此相當眾寡不敵及查得蔣存禮督併番漢官軍斬獲回賊首級五十八顆而史鏞主將亦與有防陳九疇誘使各種夷人搶殺土魯番人畜千百有餘而蔣存禮協謀亦嘗效力其許宣李昆各能張大軍聲增完邊備西過回虜東保鎮城陳九疇首建外夷相攻之謀大省

卷之十三

十七

中國用兵之費又能抗方張之寇全已危之城功過亦當有辦黃臣趙春勘事不審情罪垂違上詔將有禮史鏞降二級蔣存禮降三級各帶俸差操李昆也從輕降二級別用昆降浙江副使許宣著聞住陳九疇為民時彭澤九疇幾致問死黃臣趙春對品調外任米兒馬黑麻為父訴寃得寬免問其餘夷人但犯不應罪名的俱免運炭時土魯番貢使至京兵部請繫獄輔臣梁儲不可乃止十四年都御史鄧璋奏土魯番六次悔罪請和入貢合當隨宜撫處兵

部尚書王瓊議稱若終拒絕不許來貢恐非撫馭外夷之道請將在京番使馬黑麻等及哈密等例進貢夷使分爲幾運伴送甘州連存留任彼同起貢夷打發出關見監夷人朶撒恰等俱准放回會題留中不出後兵部伍朶甘肅去京往回萬里事久不決必生他虞徵調官軍騷動邊境實非細故早賜宸斷

卷之十三

十八

上不吝鄧璋見夷使久候恐又生變議差通事虎得山同夷人馬黑麻齎諭番酋以取搶去人畜爲名實欲慰安其心正德十五年正月本酋送還原搶鎮撫程翥等五十九人并遣使帶馬駝復來進貢十六年五月兵部再議得土魯番酋聽信姦夷虎仙等誑誘入寇鎮巡等官因將差來親信頭目朶撒恰等羈留不遣節次卑辭祈請近奉明旨放回已足慰其想望若遂許其通貢恐彼悔悟未深和好難久詔是之通行阻回嘉靖元年二月番酋又遣夷使將方物慶賀進貢鎮守衙門奏行兵部議得本酋祈請頗切若復不納恐失制馭蠻夷米則

不拒去則不追之道詔土魯番并撒馬兒罕等處
差來夷使著分定起數陸續選委老成的當官員
伴送來京嘉靖二年虎仙復論斬罪王璣謫王璣謫
戌彭澤以兵部尚書致仕李昆起爲兵部侍郎陳九
疇亦以薦起用復爲甘肅巡撫都御史時土魯番
復謀入寇九疇得報上疏曰照得總兵官武振病
故臣會同鎮守太監董文忠議得前項走回夷人
供報番酋調集人馬要行奪取甘肅地方等情雖
係傳聞之言然據理原情似爲不虛何則番酋聽

卷之三

十九

信往來進貢姦回之言備知中國地方虛實強弱
之情恃彼雄長西域前驅列國之勢其立馬天山
投鞭斷河之意蓋勃鬱於胸中久矣往年犯邊所
以未逞其志狼狽而歸者蓋以來非其時卧雪齧
冰之賊不能勝屋居火食之主勢使然也今乃當
吾甍麥堆場糜穀棲畝農人野處之際卒忽而來
是將因粮於我坐困我邊也防範機宜曷可須臾
少緩乞勅兵部仍再速行陝西延寧三處鎮巡官
將各邊遊兵人馬作急催促前來本邊聽臣等分

布併力捍禦再勅戶部議發內帑銀十萬餘兩委
官押運前來耀買粮料草束供助軍餉後失拜煙
峇子米兒馬黑麻皆論死三年土魯番酋大舉入
寇甘州

上命陝西延寧鎮巡官并莊浪副總兵魯經各選調
遊奇官軍推委謀勇官員統領前往肅州聽都御
史陳九疇節制相機戰守還差太監一員到彼監
督軍務堪以總制大臣及提督總兵官上緊會官
推舉來看戶部只差能幹郎中一員量帶銀兩督

卷之三

二十

理軍餉兵部尚書金獻民推舉兵部尚書致仕彭
澤總督漕運都御史李鈇俱各歷練老成充總制
官署都督僉事杭雄都督同知馬永俱各久任邊
方充總兵官再照肅州旅懸絕域賊勢重大比與
尋常聲息不同各鎮調集官軍素無統屬若不假
以事權急難責其成效合無查照各年舊例鎮巡
以下官悉聽節制臨陣之時都指揮以下有不用
命觀望退縮聽以軍法從事各官合用符驗關防
旗牌書檄若待本官奏請未免遲悞合行吏禮工

三部照數撥給本官庶便行事

上郎命金獻民兼都御史總制軍務杭雄着掛印充總兵官提督軍務限三日內起程命御用監太監張忠監督軍務并帶犒勞銀兩及銀牌彩段通事天文生醫士同往及賞叅隨人等官每員掌印銀五兩布二疋其餘每人銀三兩布二疋戶部主事胡宗明差往督餉奏稱昨奉明旨銀兩動支一十四萬兩帶運陝西布政司交割及查先次支剩軍餉銀六萬餘兩押運軍前應用限三日內起程切

卷之三

三

念夷虜之情叵測而兵食之勢相湏訪得回裏圖城志在侵奪地方比之往常肆掠大有不同況近年各處地方災傷錢糧缺乏雖主兵月糧每拖欠今又加以客兵數多若非別爲議處彼中豈能支持古人云日費千金而後十萬之師可舉則今日領銀一十四萬兩能給若干人勾用若干日可以口計而指屈也其布政司雖稱有銀六萬餘兩延今日久恐別有支費職備員本部司屬豈不知庫藏空虛用宜節縮但今日事勢甚大且急萬一

至彼而餉乏雖欲臨期奏請必至累月經旬公私皆匱戰守兩難計出無從責將焉遣乞爲再發銀十萬餘兩一同領運前去如夷勢遠遜亦可作以後年例之數再照前項銀兩係干錢糧出納必須逐一秤對裝驗明白方免疎虞仍乞稍寬限期數日銀兩秤完即便前進庶錢糧無虞而級急亦有備矣

上從之詔再給六萬聽裝鞘完備起程時大同軍叛殺死主帥處撫將畢御史王官疏曰雲中之內變

卷之三

三

方安而河西之外患聿作廟堂之上未聞破常調以用人出深謀以制武臣竊爲

陛下危之也先該兵部議舉總制而致仕尚書彭澤素諳兵法深識夷情昔頗聲聞于彼用兵之道先聲後實似爲相應朝廷不此之用而特用尚書金獻民者不知其何謂也且獻民此行必須直至甘肅州地方相機征戰臣思前項回賊以十數年積銳養鋒之強乘我兵糧虛乏之際一旦壓境而來其勢必有甚難抵當者設使達賊有知乘機爲寇其

患何可勝言隣近臨鞏蘭固等處又無勁卒強兵未免各邊調用兵法師行十萬日費千金此等地方承平日久素無蓄積必得能幹官員多方處置并主事帶去銀兩設法采買轉輸供給不至缺乏庶幾少濟見今獻民去矣所以爲獻民之援調發人馬供給糧餉以至守把隘口防護糧道以杜深入之患以助獻民之所不逮者未見其處行也訪得先任四川巡撫致仕馬吳生長邊方優于戎略征勦川賊累立戰功先任兵部侍郎馬清昔嘗有

卷之三

二十三

事于寧夏後又總制于宣大駕馭有才處置得法又訪得先任廣西僉事楊百之武略文謨足稱任使宣府副總兵時陳驍勇獨冠于諸帥騎射可服乎三軍且家丁勇悍久在安閑摩掌奮用伏望軫念地方多事之時喫緊用人之際略其已往之小過勉以將來之新功馬吳馬清速起一員仍其舊職授以督糧之寄假以便其之權隨帶副總兵時陳并其家丁星夜前去將主事前解銀兩并本地方一應糧草俱付管理以爲獻民之援楊百之亦

即授以臨鞏兵備之責以備軍門參贊之資其馬吳馬清仍留用一員于部以備朝廷咨謀緩急議事又根本之地所當用力者也兵科都給事鄭自璧疏曰近該巡撫陳九疇報稱番酋糾領西域回回并哈密北口瓦剌旗小列秃并沙州土巴帖木哥及瓜州遺孽各種二萬餘騎困圍甘肅勢甚危急尚書金獻民總制軍務刻期以行但自得報之後迄今四十餘日消息杳然爲照土魯番係我朝進貢番夷得我金帛茶香等物以資生養先年雖

卷之三

三

占據哈密彼都督緡謙侍郎張海奏蒙開關絕貢由是諸夷歸怨番酋悔禍哈密復爲我有累朝以來世受國恩其酋妾所生子真帖木兒先年曾逼陝巴遜遁被鎮巡官誘羈甘州任其出入服食色欲亦不甚禁養數年生還鄉里感朝廷之恩德撫臣之育抑且甘肅居人熟識往來牽制舊愛恐亦未忘前項二夷一則貪我之利一則憶我之好縱其鼠竊狗偷歲所不無然電起漚滅不敢痛爲我疆場之患未有今日糾合番衆深入境土大肆